



FRAMHALDSSKÓLINN Í VESTMANNAEYJUM

Skólanefnd Framhaldsskóla – fundur 15. mars 2005, kl 17:15.

Mætt: Ólafur Elísson, Bertha Johansen, Sigurhanna Friðþórsdóttir, Jón G. Valgeirsson, Gylfi Sigurðsson, Þorsteinn Finnbogason og Ólafur H. Sigurjónsson.

1. Skólameistari byrjaði á því að bjóða nefndarmenn velkomna til starfa, þar sem þetta var fyrsti fundur nýrrar skólanefndar. Skólameistari fór síðan yfir starfið í nefndinni og voru fundarmenn sáttir við að halda sig við svipað fyrirkomulag og tíðni funda og verið hefur. Rætt var um greiðslur fyrir fundi, en greiddar hafa verið 3 fundareiningar fyrir hvern fund. Skólameistari athugar hvort það er ekki svipað og tíðkast annarsstaðar, sérstaklega varðandi formann nefndarinnar.

2. Kosning formanns. Aðeins ein uppástunga kom fram og var hún um Jón G. Valgeirsson, sem var síðan samhljóða kjörinn. Skólameistari bauðst til að rita fundargerðir, amk. fyrst um sinn.

3. Skýrsla um skólastarfið. Skólameistari fór stuttlega yfir helstu þætti skólastarfsins það sem af er önninni og dreifði minnispunktum til fundarmanna. Nú stunda 208 nemendur nám við skólann og hefur skólastarfið gengið vel, en þó varð talsverð truflun af skæðri flensu og vinnu nemenda í loðnufrystingunni. Nemendur hafa ásamt leikfélagi Vestmannaeyja unnið að uppsetningu á leikritinu makalaus sambúð og hópur nemenda sat leiklistarnámskeið. Opnir dagar voru haldnir 1. – 3. mars og enduðu á glæsilegri, vímulausri árshátíð í Höllinni. Menntamálaráðherra kom í mjög stutta heimsókn 3. mars. Páskaleyfi verður 19. – 29. mars og próf hefjast 6. maí. Fjárhagur skólans er þokkalegur enda gætt aðhalds á flestum sviðum. Framundan er ráðning kennara fyrir næsta skólaár og er stefnt að því að þau mál verði frágengin fyrir mailok.

4. Önnur mál. Nokkur umræða varð um fyrirhugaða styttingu náms til stúdentsprófs og þau áhrif sem hún gæti haft á skólann okkar. Skólameistari tók að sér að tína til nokkra punkta um málið og það yrði síðan rætt betur. Nefndarmenn fóru fram á að gengið yrði eftir fundi sem ráðuneytið ætlar (ætlaði) að halda með fulltrúum í skólanefndum sbr bréf dagsett 25. september 2004.

Fleira ekki gert, fundi lauk kl 18:50
Ólafur H. Sigurjónsson.